

16 MAY 1996

AGONG KIRIM UCAP SELAMAT KEPADA RAJA NORWAY

KUALA LUMPUR, 16 Mei (Bernama) -- Yang di-Pertuan Agong Tuanku Ja'afar mengirim perutusan tahniah kepada Raja Norway, King Herald V, sempena Hari Perlembagaan negara itu hari ini.

"Sempena Hari Perlembagaan Norway ini, kami ingin mengucapkan tahniah dan selamat ke atas kesihatan dan kemakmuran Tuanku dan rakyat Norway," Tuanku Ja'afar bertitah dalam satu kenyataan Wisma Putra di sini.

Perdana Menteri, Datuk Seri Dr Mahathir Mohamad yang mengirim perutusan yang sama kepada rakan sejawatannya, Puan Harlem Brundt berkata: "Malaysia dan Norway telah lama menjalinkan hubungan baik.

"Saya percaya terdapat ruang untuk kita meluaskan lagi hubungan perdagangan dan ekonomi di masa depan. Saya berharap kita akan dapat bekerja rapat untuk mempertingkatkan dan mengukuhkan hubungan dua hala kita," kata beliau.

Menteri Luar Datuk Abdullah Haji Ahmad Badawi dalam perutusan ucap selamatnya kepada Menteri Luar Norway, Bjorn Tore Godal, berkata beliau yakin hubungan persahabatan yang rapat antara kedua-dua negara ini akan dapat ditingkatkan lagi pada masa depan.

-- BERNAMA

HS WAT AHH